

CM Lavender Festival

मुख्यमंत्री उमर अब्दुल्ला हों लवेंडर दी खेती गी जम्मू-कश्मीर दे राई -बाई ते सैलसफा खेतरें लेई इक बदलवाकारी गैह करार दिंदे होई आखेआ ऐ जे लवेंडर दी रड़- करसाने दी औंदन बधाने दे कन्नो-कन्नी ग्रामीण इलाके बक्खी सैलानियें गी आकर्शत करने दी बी बड़ी मती समर्थ रक्खदी ऐ। गांदरबल जिले दे नुनार गांस च आयोजित लवेंडर उत्सव दरान भाशण दिंदे होई मुख्यमंत्री हों आखेआ जे सरकार चांहदी ऐ जे लवेंडर दे खेतर मते लम्में चिरै धोड़ी खिड़े दे रौहन-तां जे इलाके च लंगघा करदे सैलानी उत्थे रुकियै इस नज़ारे दा नंद लैन ते खिते दी खूबसूरती दे बारे च होरनें गी बी दस्सन। उंनें गलाया जे प्रदेश दे होरनें इलाके च बी लवेंडर दी रड़ कीती जाहग। इस फसल दी आर्थिक समर्थ उप्पर लौस पांदे होई उमर हों आखेआ.

<><><><><><>

MoS Kathua

केन्द्रीय मंत्री जितेन्द्र सिंह हों घोशणा कीती ऐ जे कठुआ गी तौले गै दिल्ली-अमृतसर- कटरा एक्सप्रेस गलियारे कन्ने जोड़ेआ जाग ते बसनीके ते उद्योगें गी साफ-सुथरी ऊर्जा उपलब्ध करोआने लेई जल्दी गै गैस पाईपलाईन परियोजना बी हासल होग। जसरोटा च इक जनसभा गी सम्बोधित करदे होई उंनें आखेआ जे नरेन्द्र मोदी सरकार दे 12एं बरें दे कार्यकाल ने मुख्य भरै च शासन- कम्म करने आहली संस्कृति ते विकास च बड़डा बदलाव कीता ऐ। डाक्टर सिंह हों शाहपुर- कंडी परियोजना- Ujh बहुउद्देशीय परियोजना ते दिल्ली-अमृतसर- कटरा एक्सप्रेस- वे सनें महत्वपूर्ण परियोजनाएं पर लौस पाई। शाहपुर कंडी परियोजना दे बारे च बोलदे होई मंत्री

होरें आखेआ जे एह परियोजना हून तकरीबन पूरी होई चुकी दी ऐ ते एहदे पूरा होने कन्नै इस इलाके दे लोके दी दहाके पुरानी आसे-तांगी गी पूरा कीता जाई सकोग।

<><><><><><>

Dy. CM KVIB

उपमुखमंत्री सुरिंदर चौधरी होरें जम्मू-कश्मीर दे खादी ते ग्राम उद्योग बोर्ड गी मता तगड़ा ते सक्रिय बनाने दा आहवान कीता ऐ तांजे रोजगार दे मते मौके पैदा होन ते खिते दी अर्थबवस्था बी तगड़ी बने। श्रीनगर च इक समीक्षा बैठक दी प्रधानता करदे होई उ'ने प्रधानमंत्री रोजगार सृजन कार्यक्रम ते जम्मू-कश्मीर ग्रामीण रोजगार सृजन कार्यक्रम तैहत हासल प्रगति दा आंकलन कीता। उ'ने सरबंधत अधिकारिये गी निर्देश दिता जे ओह खासतौर पर महिलाएं ते नौजवाने लेई जागरूकता अभियान चलान ते कन्नै पारदर्शिता- जोआबदेही ते संस्थागत सुधार बी जकीनी बनान। उ'ने रिवायती उद्योगे- कारीगरे ते ग्रामीण उद्यमे गी तगड़ी मदाद उपलब्ध करोआने पर बी चेचा जोर दिता।

<><><><><><>

Itoo Delegation

समाज कल्याण मंत्री स्कीना इतू होरें आखेआ ऐ जे सार्वजनिक जुडाव असरदार शासन दा इक जरूरी थम्म ऐ। जम्मू दे सिविल सचिवालय च इक सार्वजनिक आउटरीच कार्यक्रम दौरान उ'ने बकख-बकख प्रतिनिधिमंडले ते व्यक्तिये कन्नै गल्लबात कीती ते सेहत- शिक्षा- समाज कल्याण ते विकास सरबंधी जरुरते कन्नै जुड़े दे मुद्दे गी सुनेआ। जायज चिंताएं दे समे-सिर नबेड़े दा

भरोसा दोआंदे होई मंत्री होरें पारदर्शी ते लोकें पर केन्द्रित प्रशासन लेई सरकार दी वचनबद्धता गी फही पक्का कीता। उर्ने आखेआ जे नागरिकें कन्नै नियमित गल्लबात कन्नै मुकामी चुनौतियें दा असरदार ढंगे कन्नै मुकाबला करने च मदद मिलदी ऐ ते समूलचे जम्मू-कश्मीर च हेठली सतह पर शासन ते अखीरै तोड़ी सेवां देने च बी सहूलियत होंदी ऐ।

<><><><><><>

Prog. Announcement

आकाशवाणी जम्मू दे क्षेत्रीय समाचार एकांश आसेआ कल 20 जून गी दपैहरी साइडे 12 बजे 30 मिंटे दा इक विशेष कार्यक्रम पेश कीता जाहग। एह कार्यक्रम केंद्र च एनडीए सरकार दे 12 बरे पूरे होने दे सरबंधे च ऐ। इस विशेष कार्यक्रम दा विशेसार ऐ फाइट अगेन्स्ट टेररिज्म, बार्डर फेंसिंग। इस विशेष कार्यक्रम च स्हाड़े परौहने होडन डीआईजी बार्डर सिक्योरिटी फोर्स जम्मू फ्रंटियर कुलवंत राय शर्मा जेड़े इस विशे पर अपने बचार सांझे करडन। इस कार्यक्रम दी मेजबानी मेरे विजय बजाज आसेआ कीती जाहग।

<><><><><><>

DGP Rescuer Team

औंदी श्री अमरनाथ जातरा दिएं तैयारियें दे इक हिस्से दे तौरा पर जम्मू-कश्मीर पुलसा दे डरैक्टर जनरल नलिन प्रभात होरें श्रीनगर च SDRF दे सदर दफ्तर थमां प्हाड़ें च बचास अभियानें गी अंजाम देने च माहिर 45 टीमें गी जातरा मार्ग पर तैनाती लेई झंडी दस्सिये रवाना कीता। इस पैहल दा मकसद आपदाएं सरबंधी तैयारियें च बाद्दा करना ते अमरनाथें दी

जातरा गी मता सुरक्षित बनाना ऐ। इस मौके पर बोलदे होई SDRF दे डरैक्टर इफितयाज़ हुसैन होरें आखेआ.

<><><><><><>

CS Retirement Rules

मुख सचिव अटल डुल्लु होरें कल प्रशासनिक सचिवें दी इक उच्ची सतह दी बैठक लाइयै बकख-बकख मैहकमें च भर्थी नियमें गी ताज़ा-तरीन बनाने सरबंधी कम्में दी स्थिति दा जायजा लैता ते कन्नै सरकारी मलाज़में लेई मैहकमाई तरक्की कमेटिएं दियां बैठकां आयोजित करने च हासल प्रगति दा बी आंकलन कीता। उ'नें सबनें मैहकमें गी निर्देश दिता जे ओह शासन सरबंधी आधुनिक जरुरतें दे मूजब गै भर्थी नियमें गी संशोधित करन। उ'नें गलाया जे ARI ते सिखलाईएं सरबंधी मैहकमें दी अगुआई आली इक मुख टीम- मैहकमाई काडर ते अमले सरबंधी जरुरतें दी समीक्षा करोग। मुख सचिव होरें मलाज़में दी बेल्लै सिर तरक्की लेई DPC दिआं बैठकां तय समें पर लोआने दी जरुरतें पर बी चेचा जोर दिता।

<><><><><><>

Students Lib Visit

दिल्ली यूनिवर्सिटी ते जवाहर लाल नहरु युनिवर्सिटी दे विद्यार्थियें दे इक डेलीगेशन नै जंदे रोज राजौरी च शहीद Additional District Development Commissioner डाक्टर राजकुमार थापा स्मारक- अजायबघर ते लाइब्रेरी दा दौरा लाया ते शहीद अफसर गी श्रद्धांजलि भेंट कीती। डिप्टी कमीशनर राजौरी- अभिशेक शर्मा होरें विद्यार्थियें गी डाक्टर थापा हुंदे जीवन- सार्वजनिक

सेवा ते बलिदान बारे जानकारी दिंदे होई उनें'गी लोक-कल्याण लेई समर्पित अधिकारी दस्सेआ। उनें आपरेशन सिंदूर दौरान जिला प्रशासन दी प्रतिक्रिया ते सिविल समाज ते स्वयंसेवियें आसेआ दिती गेदी मदाद पर बी लौऽ पाई। विद्यार्थियें इस स्मारक दी सराहना कीती ते लाइब्रेरी दे शैक्षणिक मुल्ल गी बधाने लेई बन्ने पर अध्ययन ते भारत-पाकिस्तान युद्धें बारे होर मते संसाधन जोड़ने दा सुझाव दिता।

<><><><><><>

Galadhar Mela

ज्हारां बद्धे श्रद्धालुएं धार्मिक उत्साह कन्नै रामबन जिले च सलाना “गलाधर मेले” च हिस्सा लैता ते मां चामुंडा हुंदी पवितर श्राइन पर पूजा-अर्चना कीती। एह मेला इक प्रमुख सांस्कृतिक ते धार्मिक आयोजन हा- जेहदे च खेतर दे बक्ख-बक्ख हिस्सें थमां श्रद्धालुएं ते सैलानियें हिस्सा लैता ते एह मेला उन्दे लेई इक आकर्षण दा केन्द्र रेआ। इस मौके पर स्थानी बरासत-लोक परम्पराएं ते खेतरी बंज-बपार गी प्रदर्शित कीता गेआ। रामबन दे विधायक अर्जुन सिंह राजू होरें बी इस कार्यक्रम च हिस्सा लैता ते शांति- खुशहाली ते लोकें दी भलाई-बेहतरी आस्तै प्रार्थना कीती। इस भव्य आयोजन जरिए खिते दी समृद्ध सांस्कृतिक परम्पराएं गी दर्शाया गेआ। इस मौके पर बोलदे होई विधायक अर्जुन सिंह राजू होरें आखेआ.

<><><><><><>

Weather

मौसम विभाग नै 22 जून तगर मौसम आमतौरा पर बदलोखड़ा रौहने ते केई सारी थाहरें पर इक या दो बारी बरखा पौने दी पेशगोई कीती ऐ। विभाग नै गरज-चमक, ऐन गड़ा पौने, बिजली चमकने ते धूड़ आहली अंधी चलने दी बी चेतावनी दिती ऐ।

<><><><><><>